



Republic of the Philippines
LAGUNA LAKE DEVELOPMENT AUTHORITY

National Ecology Center, East Avenue, Diliman, Quezon City
Tel. Nos.: 332-2346, 376-4039, 376-4072, 376-4049, 376-4061



Certificate Number: ADA15-0015

KAUTUSAN BLG. 2017 - 04

PAKSA: PAGPAPATIBAY SA MGA SUSOG SA KAUTUSAN BLG. 2010-03, "GABAY SA PAGPAPATUPAD NG MGA PATAKARAN AT PAMANTAYAN SA PAGGAMIT AT PAGSASAAYOS NG MGA PALAISDAAN SA LAWA NG PALAKPAKIN"

SEKSYON 1. LAYUNIN

Maipatupad ang pagsasa-ayos ng sona ng mga palaisdaan sa Lawa ng Palakpakin ayon sa mga panuntunang itinakda ng *LLDA Board Resolution No. 70, Series of 1998* at ng *Republic Act 8550 o Fisheries Code of the Philippines* na sinusugan ng *Republic Act No. 10654* upang masiguro ang pangmatagalang gamit at pakinabang ng lawa.

SEKSYON 2. SAKLAW NG PAGSASAAYOS

Ang patakarang ito ay partikular na ipatutupad sa lahat ng lehitimo at kwalipikadong mangingisda sa Lawa ng Palakpakin ayon sa pamantayan ng paglalaan ng lugar para sa pangisdaan batay sa pamantayan at patakarang nakasaad sa Kautusan Blg. 2010-03.

SEKSYON 3. LUGAR AT KABUANG SUKAT PARA SA FISHCAGE

Ang lugar na ilalaan sa pagtatayo ng mga fishcage ay hindi lalampas sa 4.80 hektarya o sampung porsiyento (10%) ng kabuuang sukat ng lawa. Ang dating sukat na 4.0 hektarya para sa *fishcage* at 0.80 hektarya o 8,000 metro kuwadrado para sa *fishpen* ay pagsasamahin na. Ang pagtatayo ng *fishpen* ay hindi na pahihintulutan sa lawa.

Ang mga *fishcage* ay itatayo paikot sa lawa na may layong 50 metro mula sa tabihan ng lawa. Magkakaroon ng anim na klaster ng *fishcage* na may tatlo (3) hanggang pitong (7) modulo. Bawat modulo ay bubuuin ng tatlong (3) *fishcage* na may sukat na 600 metro kuwadrado (30 metro X 20 metro) bawat *fishcage*. Magkakaroon ng 5 metrong distansiya sa pagitan ng mga *fishcage* upang magkaroon ang mga mangingisda ng sapat na daraanan sa pag-aayos ng *fishcage* at lugar galawan para sa pag-aalaga at pag-aani ng mga isda mula sa *fishcage*.



Ang bawat *fishcage* ay lalagyan ng pananda at lugar na ilalaan sa mga lehitimo at kwalipikadong mangingisda. Ang mga maliliit na sukat na mga *fish cages* ay pagsasamahin upang makabuo ng 600 metro kuwadrado kung saan isang (1) *Permit to Operate* lamang ang igagawad ng LLDA.

SEKSYON 4. PAGLALAAAN NG LUGAR PARA SA SANKTUWARYO

Ang lugar na ilalaan para sa sanktuwaryo ay hindi bababa sa isang porsiyento (1%) ng kabuuang sukat ng lawa. Ang mababaw na bahagi ng lawa na nasasakupan ng Barangay Dolores na may sukat na 480 metro kuwadrado, na inirekomenda ng FARMC at mga pamahalaang barangay, ay ilalaan bilang sanktuwaryo. Ang iba pang mabababaw na bahagi o gilid ng lawa na natataniman ng mga Putat ay magsisilbi ding sanktuwaryo. Ang mga lugar na ito ay magsisilbing pangitlugan ng Hipong Palakpakin at iba pang mga endemikong isda na naninirahan sa lawa.

SEKSYON 5. MGA BAKANTENG BAHAGI NG LAWA BILANG RESULTA NG PAGSASAAYOS NG MGA FISHCAGE

Ang lugar para sa nabigasyon na may sukat na 50 metro mula sa baybayin ng lawa at iba pang lugar na nabakante dahil sa pagsasaayos ng mga *fishcage* ay ilalaan para sa malayang pangisdaan at iba pang gawaing pang-ekoturismo tulad ng pamamangka, libangang pangisingisda, languyan at iba pa na pamamahalaan ng mga barangay at FARMC sa Lawa ng Palakpakin. Ang mga nasabing gawain ay sisiguraduhing hindi makasisira sa lawa at inaasahang magbibigay ng karagdagang kita sa mga mamamayan sa paligid ng lawa.

SEKSYON 6. PANGANGALAGA SA BAYBAYIN AT GILID NG LAWA

Upang mapangalagaan ang kalidad ng tubig ng lawa, ang mga baybayin o gilid nito ay pananatilihin malinis at walang anumang istraktura o sagabal. Upang masiguro ito, ang mga baybayin ay tataniman ng Putat at iba pang puno't halaman na makakatulong na mapigil ang mga dumi na nagmumula sa mga kabahayan sa paligid ng lawa gayundin ang pagguho ng lupa.

SEKSYON 7. PAGGAGAWAD NG PERMIT TO OPERATE

Ang paggagawad ng *Permit to Operate* ay isasagawa at ipapatupad lamang ng LLDA sa pamamagitan ng Punong Tagapangasiwa. Ang mga kailangang isumite para magawaran ng *Permit to Operate* ay ang mga sumusunod: 1) *Barangay Clearance*, 2) *Community Tax Certificate*, 3) *Mayor's Permit*, 4) *Valid Identification Card* at 5) *Regulatory Fee*. Ang

Repair Permit ay igagawad din ng LLDA kung kinakailangan sakaling nasuri na ang aplikasyon para sa pagkumpuni ng mga *fishcage* kasama ang kaukulang bayarin.

SEKSYON 8. IBA PANG PROBISYON NG KAUTUSAN BLG. 2010-03

Ang iba pang probisyon at alituntunin na nakatala sa Kautusan Blg. 2010-03 na hindi nabanggit sa Kautusang ito ay mananatiling ipairal.

SEKSYON 9. IMPLEMENTASYON NG PAGSASAAYOS NG MGA *FISHCAGES*


Ang mga may-ari ng *fishcages* ang maglalaan ng mga lubid at kawayan na gagamitin sa pagmamarka at paglilipat ng mga *fishcages* ayon sa sona. Ang pagsasaayos ng mga *fishcages* ay ipapatupad sa loob ng anim (6) na buwan pagkatapos na magkaroon ito ng bisa at ang mga sumusunod na gawain ay isasakatuparan:

Gawain	Takdang Panahon (Buwan)					
	1	2	3	4	5	6
1. Oryentasyon sa lahat ng <i>fishcage operators</i>	X					
2. Pagsasagawa ng surbey sa lahat na umiiral na <i>fishcages</i>	X					
3. Pagtatakda ng mga lugar para sa mga kuwalipikadong <i>fishcage operators</i>	X					
4. Paglalagay ng marka/panandang bilang sa lugar na paglalagyan ng mga <i>fishcages</i> ayon sa pinagkasunduang sona gamit ang kawayan		X				
5. Pagtatanggal at pag-aayos ng mga <i>fishcages</i>			X			
6. Paglilipat ng mga <i>fishcages</i> ayon sa pinagkasunduang sona			X	X	X	
7. Pagsubaybay sa sona (Monitoring)						X

SEKSYON 10. PAGKAKAROON NG BISA

Ang Kautusang ito ay magkakaroon ng bisa tatlumpung (30) araw mula sa pagkakatathala sa pangkalahatang pahayagan sa bansa at rehistrasyon sa *Office of National Administrative Register (ONAR)* sa *UP Law Center*, Lungsod ng Quezon.

Pinag-tibay ngayong ika-20 ng Disyembre 2017.


JAIME C. MEDINA
 Punong Tagapangasiwa